

行草

仙谿王壽榭伯秀著

桂苑即景

戊寅隨家君於興太里馬鋪謝書齋

門前一株桂苑因以桂名恰值花開夜中秋月正明
屋後兩叢竹竹下一局棋低聲遞落子盡日人不知

戊寅

開軒臨綠野，稻隴雨初晴。
深夜書聲靜，時聞澗水鳴。
六月人苦熱，何處買清風。
誰知山中叟，白頭對日紅。
雪後少人行，登山祇一客。
疏林初日紅，巖溜照生白。
山寒天多雨，晴時恰及春。
夜深雲入榻，庭仄燕為隣。

夜夢

至人無邪夢，動靜養其天。
脫身名利中，萬象俱寂然。

誤為世味誘，漱石志難堅。
風塵強奔走，富貴耀吾前。
晨炊不暇食，日暗不得眠。
夢中互悲樂，手足覺拍牽。
誰能洗妄念，長此永天年。

戲靈山寺上人

山僧年七十，養貓如養兒。
夜深相伴卧，古寺早霜時。
野景

戊寅

夕陽掛西林異鳥啼空谷有女採園蔬攜籃過修竹
登何嶺

夾道長松鋪綠陰嶺風陣陣入人襟青雲穿盡無多
路借問仙童何處尋

夾漈草堂

庚辰院試

飛橋隱隱水潺潺獨步間尋夾漈山中有草堂終古

在窗前綠色不須刪

日月井邊舊夕陽書聲入耳共徬徨
至今春草年年綠尚認鄭公小隱堂

庚辰六月自桂苑歸

時身有微恙

三年來往白雲中桂苑勾留興未窮
路熟無嫌穿鳥道緣慳何自到蟾宮
清齋留客添多雨遠嶺隨人祇

庚辰

有風滿壑松聲還惜別聊將詩句寄遙空

卧乘籃輦出雲中病裏吟詩興已窮寒冷逼人猶瑟
瑟光陰過眼太匆匆疏松仍帶煙痕綠削壁斜翻日
影紅多謝山神知我意不曾十里送清風

過常思嶺

壬午

常思嶺猶昔越嶺俯江流滾滾長如此一春又一秋

渡烏龍江望榕城

月色清高水國秋
潮平江濶渡扁舟
不知此去幾多路
斜倚帆牆望斗牛

自榕城歸再過烏龍江

月落星稀夜幾更
舟人睡起晚潮生
雲痕淡淡迷山色
風送輕帆此際行

壬午

哭鄭生岱高

七月初旬予應鄉試往榕城鄭生來送行中
秋後歸聞鄭生已逝矣

人生世上如春夢生死休休一別中
今雨不來尋舊約歸雲空歎散
遙空親抄書卷留殘筆遠送征帆見
古風熱淚一傾還不覺苦吟詩思更無窮

游九鯉湖

清晨登何嶺來訪九鯉湖山行六七里幾樹蒼松孤
山鳥驚人至隔林自相呼小橋通過客石壁字難摹
行行到古寺斜日掛山隅寺前一湖水山繞似畫圖
客心洗流水一片在玉壺丹竈水生煙何人守空厨
飛泉落澗底一一如跳珠遠峯懸玉箸俗目亦能娛

壬午

雷轟響空際疑雨在須臾觀此名勝境蓬萊可與俱
神仙來作主丹熟上天衢游鱗皆成道白鯉化為朱
老僧邀入座清酒不須沽夜投山房宿空案鳴飢鼯
夢中猶恍惚探勝入虛無朝來紅日出欲去尚踟躕
遲行穿巖曲路上白雲鋪

九仙閣

今宵偶宿神仙窟夢裏奇觀猶恍惚
夜靜還疑飛雨聲湖水茫茫空浸月

丹竈無煙苔色斑九仙乘鯉去人間
林光湖水年年綠野鳥山僧處處閑

問仙

問仙到此幾千年更問何故昇青天
丹竈誰人未管

壬午

領至今水落尚生煙

秋海棠

落落嶺上梅雪裏帶餘香
疏疏籬邊菊霜中着晚黃
凡茲產嘉卉玩賞興偏長
况此海棠花當秋照眼光
朱唇能解醉欲飲聊舉觴
紅紗卷翠袖依稀着新裝
莫嫌秋日暮莫謂秋日涼
令人動雅興惟有秋海棠

秋聲

甲申科試

殘夢初回夕照紅攪林陡覺又秋風
數聲旅雁寒塘外一曲哀蟬密樹中
虜騎昔曾驚唳鶴番軍今未化沙蟲
誰能直把邊愁盪鐵板銅琶自唱東
兀坐燈前興未闌柴門長掩夜添寒
當空月色侵書幌幾處蟲聲透畫欄
作賦歐陽驚變白寫懷韓子憶

吞丹古人隔世偏同感追逐秋霄振羽翰

黃金臺

燕昭高築黃金臺壯士長歌自魏來
踴倒齊城翻渤海須知神駿異凡才

不拔五都恨不平將軍幾日請長纓
黃金散盡收名士市駿臺高萬古情

千秋戲

霽色清和暮靄收
漢宮幾處戲千秋
綵繩高掛數百尺
畫架上有浮雲浮
是時佳人爭鬥巧
羅衣初試玉搔頭
跳環踏劍停妙舞
翻身作態展明眸
霞彩照人光不定
低昂赴節隨歌謳
為祝聖君千萬壽
年年好景長勾留
乃知童男童女入海求
仙杳無迹不如看

此劇戲日往曲江樓

崑崙即景

崑崙北望意何如何嶺雲煙混太虛一帶青巒開錦

障當年著屐幾躊躇

崑崙東望趁芳晨溪水長流幾千春安得桃花栽兩

岸問津重話武陵人

崑崙南望盡遺墟
破屋荒村春雨餘
樹色遙連山色晚
一翁叱犢荷歸鋤

崑崙西望向東山
古塔斜傾渺渺間
壓倒羣峯推獨立
春雲點綴碧螺鬟

書齋遣興

病中拋却酒兼詩
虛度花磚日影遲
燕欲辭家愁客